



Na osnovu člana 1.5 i 20.12a Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08 i 32/10) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 50/07 i 33/09), a u vezi sa članom 2. stav (5) i (6) Pravilnika o načinu provođenja izbora u diplomatsko-konzularnim predstavništvima Bosne i Hercegovine, Centralna izborna komisija Bosne i Hercegovine je na 35. sjednici, održanoj 26.07.2010.godine, d o n i j e l a

ODLUKU
o određivanju biračkih mjesta za glasanje u diplomatsko-konzularnim predstavništvima
Bosne i Hercegovine

Član 1.

(Diplomatsko-konzularna predstavništva BiH u inostranstvu u kojima će se organizovati glasanje)

Na Općim izborima u Bosni i Hercegovini 2010. godine, za državljane Bosne i Hercegovine koji privremeno žive u inostranstvu i imaju biračko pravo, organizovat će se glasanje u sljedećim diplomatsko-konzularnim predstavništvima Bosne i Hercegovine (u daljem tekstu: DKP BiH):

R/B	Naziv zemlje	Naziv DKP BiH	Grad u kojem se nalazi DKP BiH	Redni broj biračkog mjesta	Ukupan broj birača
1.	Austrija	1. Ambasada BiH u Beču	Beč	A-01	61
2.	Njemačka	1. Ambasada BiH u Berlinu	1. Berlin	D-01	190
		2. Generalni konzulat BiH u Minhenu	2. Minhen	D-02	66
		3. Generalni konzulat BiH u Štuttgartu	3. Štuttgart	D-03	507
		4. Generalni konzulat BiH u Frankfurtu	4. Frankfurt	D-04	91

Član 2.

(Diplomatsko-konzularna predstavništva BiH u inostranstvu koja ne ispunjavaju uslove za organiziranje glasanja)

Centralna izborna komisija Bosne i Hercegovine neće organizovati glasanje za Opće izbore 2010. godine u preostalim DKP BiH u inostranstvu, navedenim u Odluci o diplomatsko-konzularnim predstavništvima Bosne i Hercegovine u inostranstvu u kojima se planira organiziranje glasanja za Opće izbore u Bosni i Hercegovini 2010. godine, broj: 05-1-07-1- 2157/10 od 05.05.2010. godine („Službeni glasnik BiH“, br. 37/10), iz razloga što u istim nisu ispunjeni uslovi propisani članom 2. stav (4) Pravilnika o načinu provođenja izbora u diplomatsko-konzularnim predstavništvima Bosne i Hercegovine.

Član 3.

(Ostvarivanje biračkog prava za birače registrovane za glasanje u DKP-ima BiH u kojima nisu ispunjeni organizaciono-tehnički uslovi za organizovanje glasanja)

Državljanima BiH koji su se prijavili za glasanje lično u DKP BiH u inostranstvu, taksativno pobrojanim u članu 2. ove Odluke, omogućit će se glasanje poštom, o čemu će biti obaviješteni od strane Centralne izborne komisije Bosne i Hercegovine najkasnije 65 dana prije dana održavanja izbora.

Član 4.
(Stupanje na snagu i objava)

Ova odluka stupa na snagu danom donošenja a objavit će se „Službenom glasniku BiH“, „Službenim novinama F BiH“, „Službenom glasniku RS“, „Službenom glasniku Brčko Distrikta BiH“ i web stranici Centralne izborne komisije BiH www.izbori.ba.

Broj:05-1-07-1- 2157-1/10
Sarajevo, 26.07.2010. godine

